

voer die ander ledde der vij graden
 der oetmoedich^t die mijn hillighe va-
 der sunte **Benedictus** voer opghegae
 heuet welckes voetstappen dat ick
 dy o here hebbe ghelouet nae toe vol-
 ghen nae mijn vermoeghen **Ende**
 want ick bekenne o lieue here dat
 ick doer ghenen anderen wech toe dy
 mynen lieuen schepper mach coeme.
 en ick vruchte dat ick noth niet en
 byn opghetlomen die hoech^t deser led-
 deren **D** alre barmhertichste vader soe
 wilt my in mijn hulpe gheuen din
 alre diepste oetmoedichheit. din alre
 versmaetste leuen. en din hillighe
 bitter liyden. daer ick mijn betruwe
 in sette en al mijn versumenisse in
 sincke en my gans in beuele **Ende**
 dat din hillighe wapenen altijt
 moeten syn een schilt tusschen my
 en mine vianden nu en i die leste vre
 minne doet **Amen.** **Uijr beghit**